


www.BibleForChildren.org


मत्तय 26




ईसु वल्हांडण
तिवारोअ रोट सोव
दिहोअ पेल बेथानीमेहें
आवयू जिहीं लाजर ओतू,
जियाहा ईसु मोल्याम रोट
जिवाड्युतो. तेहेलाम मरिया
जटामांसीइ आरदो लिटर
जाअखीलोहो मोगो अत्तर लेत
कोइत ईसुउ गुडापोअ हारीत
कोइत तियीइ सिंग्या वाअहीं तियाआ गुडा
नुश्या; आन अत्तरो वाअहीं आखो कोअ
मोगो मोगो गोंदाओ वोल्यो.



ताहरुउ यहुदा इस्कार्योत जो बारा सेलामेएं एक ओतू, डाया पुंजाराआं
जागे गोयू के ईसुहू तियांआं आथोम तोइत आपी देय. ते ओं उनाइत
कोइत खुस ओत गोया, आन यहुदाहा
पोशा आपिइलोअ आथवसन स्विकार
कोअयो; आन तो वेल पालु वोल्यू
के तियाहा किबी कोइत
तोइत आपी देंव.



ताहां सेलां ईसुउ आदेश मान्या आन
वल्हांडणोअ रोटू तियार कोअयू. जाहां ते
खाया कोअताते, ताहां ईसु रोटू लेदू, आन
आशिर्वादोअ प्रार्थना कोअयी, आन रोटू मुड्यू,
आन सेलाहां आपीत कोयो, “ल्या, खावा; ओं
माआं डिल होय.” फाशुउ तिये वाटकू लेत कोइत
देवोअ धन्यवाद कोअयो, आन तियांहां आपीत
कोयो, “तुमू आखा यामेहें रेत पिवा, काहाके ओं
माआं शप्पतोअ रक्त होये, जों
जाअखीलां जोओंअ
पापोअ माफीइ
काजे वोहाइयोहो.”




“शिमोन, ए शिमोन! पाल, सैताने तुमुहं गोंवोंअ होस सारीइलोअ काजे मागित लेदाहा. पोन ए शिमोन, आंय ताआ काजे प्रार्थना कोअयिही के ताआ विश्वास ने आलुहं जोवे; आन जाहां तू फाशुउ बोलीत आवही, ताहां ताआ पायहोंहों बी पाक्का कोअजी.” पोन शिमोने कोयो, “प्रभु, आंय ताअरी जेलेम आवुहं बी आन मोअहं बी तियार होय.” पोन ईसु कोयो, “पेत्रा, आंय ताहं कोहो, जाअहं जाआं तू माहं तीन वारी ने नाकारीही के तु माहं ने ओलखीइत्लू, ताअहं जाआं आज कुकड़ू ने वाहें.”



ताहां ईसु तियाआ सेलांअरी
गेथसेमनी नावोअ जागापोअ आयू
आन तिये तियांहां कोयो, “आंय
जात कोइत प्रार्थना कोअहो
ताअहूं जाआं तुमू इंहींज बोहीत
रोजा.” आन कोयो, “देव बाट्टहा,
ताआ काजे आखो ओत सेकेहे; या
दुखोअ वाटकाहा मापोअ रोट सेटे
कोइ दे: पोन जेहलोहो आंय ईतवोहो
एहेलोह नाहां, पोन जो तू ईतवेहे
तोज ओवुहूं दे.”



तियाहा काजे यहूदा, रोमन सिपायडाआं एकी तुकडीही आन मुख्य
पुंजारकाहां आन फरिसीइ पावरोहों लेत कोइत, दिवा, मशाली आन
आथान्ये लेत कोइत तिहीं आयू. आन तियांमेन्येए एके जोएं
मुख्य पुंजाराआ पावरो पोअ तारवाआ वापरीत हाजाइयू
कान साटकीत उडाइयू. पोन ईसु कोयो,
“ओमे बास कोआमें!” आन तियाआ
कानोह आथ लागाडीत हुदारी देदू.




तियां ईसुहू ओटक कोअयी आन ते तियाहा मुख्य पुंजाराआ कोओ लेत
गोया. पेत्र सेटेज रोट तियांआं फासाड़ी जातुतो. आन जाहां तें
खोलीमेहें आग पेटाड़ीत बोठे, ताहां पेत्र बी तियांआं
विसमेहें जात कोइत
बोहीत गोयू.




डाया पुंजाराआ सेवकोमेन्युउ
एक, जो तियाआ कुटुंबामेन्युउ
ओतू जियाअ कान पेत्रे
तोड़ीत टाक्युतो, कोयो,
“केहें आंय ताहूं तियाअरी
बोगिसामेहें नाहां देख्यू के?”
यावाअहीं पेत्रे फाशोअ नाकारी
देदो, आन तेहेलाम कुकड़े वाहीं देदो.
ताहरुउ पेत्र बारथे निहींत कोइत
काहीं काहींइं रोड़ू वोल्यू.




ताहां पुरु पोन्सू उठीत कोइत ईसुहू पिलातोअ
सामने लेत गोया. ताहां पिलाते तियाहा फुशो,
“तु यहूदी माअहोंअ राजा होय?” ईसु कोयो,
“तुज तोम कोहे आंय होंव.” पिलात ईसुहू सोड़ी
देअहूं ओतू, तियाहा कोत फाशुउ
फिरीत तियाहां समजाइये.
पोन तें आअइयाज कोअतेते,
“याहा क्रुस खांबो पोअ टांगा!
याहा क्रुस खांबो पोअ टांगा!”




ताहां पिलात तियाहा तियांआं आथोम
होपी देदू के तें क्रुसोपोअ टांगुहूं जोवे,
आन एहें कोइत तियां ईसुहू ताबाम लेत
लेदू. ताहरेए ते ईसुहू लेत गोये, आन तो
तियाआ क्रुस आखलीत कोइत “मुन्काआ
खोबज्यो” कोतेहे तियी जागे जाआं लेत
गोयू, आन तियाहा इब्री बाशामेहें
“गुलगुता” कोतेहे.



तिहीं ते तियाहा आन तियाअरी फाशाआ बेन
माट्योहो कुसोपोअ टांग्या, एकाहा यी वोग आन
एकाहा तिवोग, आन विसमेहें ईसुहू.



तेहेलाम दिहोअ उजालो ने पोड़्यो. आन मंदिरोअ पोड़दू पोरापोर रोट
फाटू आन तियाआ बेन भाग ओत गोया. ईसु जोरेज आअड़्यू, “बा! आंय
माआं जीव ताआ आथोम होपी देहो.” एहें कोत तिये जिव सोड़ी देदू.



अरमितीवालू योसेफ ओतू, तो वोडा पोन्साअ
सदस्य ओतू आन तो सोताह देवोअ राज
आवेतेहें काजे वाट जोवतुतो.
तो योसेफ हिम्मतो वाअहीं
पिलातोअ जागे गोयू आन
ईसुउ तोड़ माग्यो. ताहां
योसेफ हाजामेन्योओ
एक साअको वेसातो
लेदो, आन तोड़ोहो क्रुस
खांबोपोअ

रोत उतारीत कोइत तिया
साअकामेहें गुंउंटावित
तियाहा तिये खड़कामेहें
खुंउंल्या माहणोमेहें
मिक्यो. तिहीं रोत तिये
माहणोअ दोओपोअ एक
डोण होरकावी देदू.



बिहीरे दिही जो आरामोअ दिही ओतू, मुख्य
पुंजारहां आन फरिसी पिलातोहो मिल्या आन
कोयो. “मालिख, आमुहूं ओर होये
के, तो लबाड़ जिवतुज ओतू
तेहेलाम कोयोतो, के ‘आंय तीन
दिहोअ फाटी जिवीत उठीहीं.’
ताहां ते गोयान कबरेपोअ
डोण हारीत पाक्को बुजी
देदो, आन राखवली


कोए तेहें
जागल्या

लागाड़ी देदा.”




आरामोअ दिहोअ फासाड़ी दितवारोअ दिही
वेगऱ्यीइजे मग्दालिनी मरिया आन बिहीरी
मरिया माहणोअहीं पाली आयी.
ताहां एक वोडो भुकंप ओवो;
काहाके प्रभुउ एक दुत
होरगामेहें रेत उतऱ्यू, आन
आहने आवित तिये डोणोहों
होरकावी देदू, आन
तियापोअ बोहीत गोयू.

तियाआ बिके वाअहीं
जागल्या थुर थुर थोतरा
वोल्या आन मोल्याआ
होस ओत गोया.



देवदुत तियीं बायींहीं कोयो, “मा बिहा, माहूं
मुंदू होये, के तुमू ईसुहू जो कुस खांबोपोअ
सोड़वाअयुतो तियाहा होदतिही.
तो इंहीं कायनाहां, पोन तो
तियाआ वसनोअ अनुसार
जिवीत उठ्युहू; आवा,
ओ जागू पाला, जिहीं
प्रभु लोटीत रोयुतो.”



आन ते बिक आन वोडी खुसी वाअहीं माहणोअहीं
रोत मामार वोलीत तियाआ सेलाहां खबर
कोअलोअ काजे गुगदी वोली. उसकाहीज
ईसु तियांहां मिल्यू आन कोयो, “सलाम”
आन तें तियाआ जागे आवित तियाआ
पागे पोड़ीत तियाआ भक्ती कोअयी.





आखाआ फासाड़ी, ईसु तियां ईग्यार सेलाहां बी जेहेलाम ते रोटू खाना
बोठाते तेहेलाम देखाअयू. आन तो तियांहां बावराअयू, काहाके जियां
तियाहा मोतो मेहें रेत जिवीत उठल्याहा देखूतो, तियाआ गोठी पोअ
बी तियांहां भरिवसू ने ओतू आन तियांआं मोन वातड़ो ओत गोयोतो.
मालिख ईसु तियाअरी गोठी कोअयी तिहीं रेत तो होरगाम विसाइत
गोयू. आन देवोअ हाजाड़ीइ बोलेहे जात बोहीत गोयू.



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोड़ुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुह विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



मत्तय 26-28; लुक 22-24; योहान 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Noiri-Bhil Bible (noi) ©The Word For The World
International and Noiri-Bhil Translation Samiti, Dhadgaon,
Maharashtra, India, 2025.

<https://live.bible.is/bible/NOIWWF/MAT/1>

©2026 Bible for Children, Inc.

www.M1914.org

www.bibleforchildren.org

